

# «ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

### ՕՐԵՆՔԸ

#### «ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»

**Հոդված 1.** «Քրեակատարողական ծառայության մասին» Հայաստանի Հանրապետության 2005 թվականի հուլիսի 8-ի ՀՕ-160-Ն օրենքի (այսուհետ՝ Օրենք) 14.1-րդ հոդվածում՝

- 1-ին մասի 1-ին նախադասությունը շարադրել հետևյալ խմբագրությամբ.

«Բացառությամբ քրեակատարողական հիմնարկի պետերի, իսկ համապատասխան նախարարի առաջարկությամբ նաև քրեակատարողական հիմնարկի պետի տեղակալների պաշտոնների, քրեակատարողական ծառայության մյուս պաշտոնները զբաղեցվում են օրենքով սահմանված մրցույթի արդյունքներով:».

- 3-րդ մասը շարադրել հետևյալ խմբագրությամբ.

«3.Քրեակատարողական ծառայության թափուր պաշտոն առաջանալու դեպքում առավելագույնը մինչև տվյալ պաշտոնի համար մրցույթ հայտարարելը, յոթօրյա ժամկետում՝ տվյալ պաշտոնում նշանակելու իրավասություն ունեցող պաշտոնատար անձն իրավասու է տվյալ թափուր պաշտոնում նշանակելու այն քրեակատարողական ծառայողին կամ քրեակատարողական ծառայության համակարգում քաղաքացիական ծառայության պաշտոն զբաղեցնող այն անձին, ով բավարարում է տվյալ պաշտոնում նշանակվելու համար համապատասխան իրավական ակտերով, այդ թվում՝ պաշտոնի անձնագրով սահմանված պահանջները: Այդ ժամկետում նշանակում չկատարվելու դեպքում քրեակատարողական ծառայության թափուր պաշտոնը զբաղեցվում է օրենքով սահմանված մրցույթի արդյունքներով:»:

- լրացնել հետևյալ բովանդակությամբ 4-րդ մասով.

«4. Քրեակատարողական ծառայության պաշտոնը որոշակի ժամկետով

զբաղեցվում է «Քաղաքացիական ծառայության մասին» օրենքի 13-րդ հոդվածով սահմանված կարգով:»:

**Հոդված 2.** Օրենքի 21-րդ հոդվածի 1.1-րդ մասը շարադրել հետևյալ խմբագրությամբ.

«1.1 Քրեակատարողական ծառայողն իր դիմումի համաձայն կարող է փոխադրվել իր զբաղեցրած պաշտոնին համարժեք կամ ցածր այլ պաշտոնի կամ ծառայության այլ վայր:»:

**Հոդված 3.** Օրենքի 22-րդ հոդվածի առաջին մասում «Քրեակատարողական ծառայության պետին և նրա տեղակալներին» բառերը փոխարինել «Քրեակատարողական ծառայության պետի տեղակալներին» բառերով:

**Հոդված 4.** Օրենքի 25-րդ հոդվածի 2-րդ մասում՝

1) 2-րդ կետը «հրամաններ» բառից հետո լրացնել «, կայացնում որոշումներ» բառերով.

2) 3-րդ կետը շարադրել հետևյալ խմբագրությամբ.

«3) քննարկում և ըստ համապատասխան անհրաժեշտության թողնում է անփոփոխ, կասեցնում, փոփոխում, ուժը կորցրած է ճանաչում կամ վերացնում է (ցուցումի դեպքում) համապատասխան քրեակատարողական ծառայողների անօրինական և (կամ) անհիմն հրամանները, ցուցումները և որոշումները և դրանց կապակցությամբ համապատասխանաբար ընդունում է նոր հրամաններ, տալիս նոր ցուցումներ և կայացնում նոր որոշումներ.»:»:

- լրացնել հետևյալ բովանդակությամբ 7.1-րդ կետով.

«7.1) քրեակատարողական ծառայողներին պարզևատրում է քրեակատարողական ծառայության գերատեսչական մեղալներով և (կամ) կրծքանշաններով, իսկ քրեակատարողական ծառայության համակարգում վարչական, հայեցողական, քաղաքացիական ծառայության պաշտոններ զբաղեցնող անձանց և մյուս աշխատողներին, ինչպես նաև Հայաստանի Հանրապետության և օտարերկրյա պետությունների այլ մարմինների ու կազմակերպությունների ծառայողներին (աշխատողներին) և անհատ անձանց պարզևատրում է քրեակատարողական ծառայության գերատեսչական մեղալներով.»:»:

**Հոդված 5.** Օրենքի 26-րդ հոդվածի 1-ին մասում՝

1) 3-րդ կետը «ցուցումներ» բառից հետո լրացնել «կայացնում է որոշումներ,» բառերով.

2) 10-րդ կետը շարադրել հետևյալ խմբագրությամբ.

«10) քննարկում և ըստ համապատասխան անհրաժեշտության թողնում է անփոփոխ, կասեցնում, փոփոխում, ուժը կորցրած է ճանաչում կամ վերացնում է (ցուցումի դեպքում) համապատասխան քրեակատարողական

ծառայողների անօրինական և (կամ) անհիմն հրամանները, ցուցումները և որոշումները և դրանց կապակցությամբ համապատասխանաբար ընդունում է նոր հրամաններ, տալիս նոր ցուցումներ և կայացնում նոր որոշումներ.»:

3) լրացնել հետևյալ բովանդակությամբ 13.1-րդ կետով.

«13.1) քրեակատարողական ծառայողներին պարզևատրում է քրեակատարողական ծառայության գերատեսչական մեղալներով և (կամ) կրծքանշաններով, իսկ քրեակատարողական ծառայության համակարգում վարչական, հայեցողական, քաղաքացիական ծառայության պաշտոններ զբաղեցնող անձանց և մյուս աշխատողներին, ինչպես նաև Հայաստանի Հանրապետության և օտարերկրյա պետությունների այլ մարմինների ու կազմակերպությունների ծառայողներին (աշխատողներին) և անհատ անձանց պարզևատրում է քրեակատարողական ծառայության գերատեսչական մեղալներով.»:

**Հոդված 6.** Օրենքը լրացնել հետևյալ բովանդակությամբ 33.1-րդ հոդվածով.  
**«Հոդված 33.1.** Քրեակատարողական ծառայողի արձակուրդը

1. Քրեակատարողական ծառայողն ունի ամենամյա նվազագույն և ամենամյա լրացուցիչ արձակուրդի իրավունք:
2. Քրեակատարողական ծառայողի ամենամյա նվազագույն արձակուրդի տևողությունը 20 աշխատանքային օր է, իսկ ամենամյա լրացուցիչ արձակուրդի տևողությունը սահմանում է Կառավարությունը:
3. Քրեակատարողական ծառայողին ամենամյա նվազագույն և (կամ) լրացուցիչ արձակուրդը տրամադրվում է այնպես, որ չխոչընդոտի տվյալ քրեակատարողական ծառայողի կողմից ծառայողական պարտականությունների կատարմանը, ինչպես նաև տվյալ կառուցվածքային ստորաբաժանման և (կամ) քրեակատարողական հիմնարկի բնականոն գործունեությանը:
4. Առանձին դեպքերում, անձնական կամ ընտանեկան հանգամանքներից ելնելով, քրեակատարողական ծառայողին կարող է մեկ տարվա ընթացքում տրամադրվել չվճարվող արձակուրդ:
5. Քրեակատարողական ծառայողին արձակուրդ տրամադրելու կարգը և պայմանները սահմանում է Կառավարությունը:
6. Քրեակատարողական ծառայողներին արձակուրդ տրամադրում է իրավասու պաշտոնատար անձը:
7. Քրեակատարողական ծառայողին, առանց իր համաձայնության, ամենամյա արձակուրդից հետ կանչելը թույլատրվում է միայն բացառիկ դեպքերում՝ ծառայողական անհրաժեշտությունից ելնելով, արձակուրդ տրամադրող պաշտոնատար անձի հրամանով:

**Հոդված 7.** Օրենքի 11-րդ գլխի վերնագիրը շարադրել հետևյալ բովանդակությամբ.

**«Գ Լ ՈՒ Խ 11**

**ՔՐԵԱԿԱՏԱՐՈՂԱԿԱՆ ԾԱՌԱՅՈՂՆԵՐԻՆ ԽՐԱԽՈՒՄԵԼԸ ԵՎ ԱՅԼ ԱՆՁԱՆՑ ԴԱՐԳԵՎԱՏՐԵԼԸ, ՔՐԵԱԿԱՏԱՐՈՂԱԿԱՆ ԾԱՌՅՈՂՆԵՐԻՆ ԿԱՐԳԱԴԱՀԱԿԱՆ ՏՈՒՅԺԻ ԵՆԹԱՐԿԵԼԸ»:**

## **Հոդված 8.** Օրենքի 35-րդ հոդվածում՝

1) Վերնագիրը շարադրել հետևյալ խմբագրությամբ.

### **«Հոդված 35. Քրեակատարողական ծառայողներին խրախուսելը և այլ անձանց պարգևատրելը».**

2) 1-ին մասը լրացնել հետևյալ բովանդակությամբ նոր պարբերությամբ.

«1. Քրեակատարողական ծառայության գերատեսչական մեդալով և կրծքանշանով պարգևատրում են միայն համապատասխան նախարարը և քրեակատարողական ծառայության պետը:».

3) 2-րդ մասը շարադրել հետևյալ խմբագրությամբ.

«2.Քրեակատարողական ծառայողների նկատմամբ քրեակատարողական ծառայության պետի կողմից կարող են կիրառվել նաև խրախուսանքի հետևյալ տեսակները.

1) Արտահերթ կոչման շնորհում, եթե լրացել է ունեցած կոչումով ծառայության սահմանված ժամկետի առնվազն մեկ երրորդը.

2) Տվյալ պաշտոնի համար սահմանված առավելագույն կոչումից մեկ աստիճան բարձր կոչման շնորհում, եթե կրկնակի լրացել է ունեցած կոչումով ծառայության սահմանված ժամկետը:

«Արտահերթ կոչման շնորհում» և «Տվյալ պաշտոնի համար սահմանված առավելագույն կոչումից մեկ աստիճան բարձր կոչման շնորհում» խրախուսանքի տեսակները քրեակատարողական ծառայողների նկատմամբ կիրառում են միայն համապատասխան նախարարը և քրեակատարողական ծառայության պետը:

Սույն մասում նշված խրախուսանքի տեսակները քրեակատարողական ծառայողների նկատմամբ ծառայության ամբողջ ընթացքում կարող են կիրառվել միայն մեկ անգամ:».

- 3-րդ մասը շարադրել հետևյալ խմբագրությամբ.

«Երկարամյա ծառայության (աշխատանքի) և (կամ) ծառայողական (աշխատանքային) պարտականությունները և (կամ) հանձնարարականները բարեխղճորեն կատարելու համար քրեակատարողական ծառայողները կարող են պարգևատրվել քրեակատարողական ծառայության գերատեսչական մեդալներով և (կամ) կրծքանշաններով, իսկ քրեակատարողական ծառայության համակարգում վարչական, հայեցողական քաղաքացիական ծառայության պաշտոն զբաղեցնող անձինք և մյուս աշխատողները, ինչպես նաև Հայաստանի Հանրապետության և օտարերկրյա պետությունների այլ մարմինների ու կազմակերպությունների ծառայողները (աշխատողները) և այլ անձինք երկարամյա ծառայության (աշխատանքի) և (կամ) ծառայողական (աշխատանքային) պարտականությունները և (կամ) հանձնարարականները (առաջադրանքները) բարեխղճորեն կատարելու և (կամ) քրեակատարողական

ծառայության հետ համագործակցության և (կամ) քրեակատարողական  
ծառայության առջև դրված խնդիրների իրականացմանն աջակցելու համար  
կարող են պարզևատրվել քրեակատարողական ծառայության գերատեսչական  
մեդալներով:

**Հոդված 9.** Սույն օրենքն ուժի մեջ է մտնում պաշտոնական հրապարակմանը  
հաջորդող տասներորդ օրը: